

### **Tus mob Yersiniosis zoo li cas?**

Yersiniosis yog ib tug mob los ntawm tus kab mob hu ua *Yersinia enterocolitica*. Kuj tsis pom muaj tshwm ntau hauv lub xeev Wisconsin no; ib xyos twg tsuas muaj txog li 10-12 leej raug tus mob no xwb. Nyob nyob kuj mam pom muaj ib tug raug tus mob Yersiniosis no xwb, tab sis, tej zaum kuj pom muaj neeg coob kis tau ua pab ua pawg thiab.

### **Leej twg thiaj li raug tus mob Yersiniosis?**

Leej twg los yeej muaj feem yuav raug tus mob Yersiniosis, tab si, feem ntau mas raug rau cov me nyuam yaus.

### **Ua li cas tib neeg thiaj li raug tus kab mob *Yersinia* no?**

Vim neeg noj tau tej khoom noj tsis huv, tshwj xeeb tshaj yog noj nqaij npuas nyoos los yog ua tsis siav. Thaum hlob hnyuv npua mas yog ib txoj kev uas muaj feem xyuam kis zoo heev. Thaum haus cov mis nyuj uas tsis tau muab cov kab mob tua, los yog haus cov dej ua tsis lim zoo kuj kis tau thiab. Kuj muaj qee leej neeg tau kis tus kab mob *Y. enterocolitica* no thaum kov tsiaj tas, tshwj xeeb yog kov npua.

### **Cov tsos mob ntawm tus mob Yersiniosis zoo li cas?**

Thaum kis tau tus kab mob *Y. enterocolitica* mas kuj yuav pom muaj ntau yam tsos mob tshwm, thiab kuj yuav nyob ntawm seb tus neeg lub hnuv nyoog li cas. Rau cov me nyuam yaus mas cov tsos mob kuj muaj xws li: kub cev, mob plab, thiab zawv plab liab. Rau cov me nyuam loj thiab cov laus, no ces kuj mob plab mog rau sab xis thiab kub cev, tej zaum kuj xav yuam kev hais tias ntshai yog mob hnyuv tws. Muaj qee leej kuj mob yas txha, sawv pob khaus thiab kis tus mob mus rau hauv cov ntshav.

### **Thaum nphav raug tus kab mob *Y. Enterocolitica* tas yuav ntev li cas cov tsos mob mam tshwm?**

Thaum nphav raug tus kab mob tas mas yuav yog li 4-7 hnuv tom qab ntawd yuav pom cov tsos mob tshwm thiab yuav ua mob ntev li 1-3 lim piam los ntev dua ntawd kuj muaj.

### **Tus kab mob *Y. enterocolitica* muaj nyob qhov twg?**

Tsiaj yog cov uas muaj tus kab mob *Y. enterocolitica* no. Tus kab mob yuav muaj nrog cov tsiaj cov quav, thaum tib neeg mus kov tau tsiaj cov quav mas yuav kis tau tus kab mob no. Tsis tas li, yog tsiaj cov quav kis tau rau tej dej haus, tej mis, los yog tej khoom noj ces neeg yuav kis tau thiab lwm cov tsiaj kuj yuav kis tau thiab.

### **Cov tsiaj twg yog cov tsiaj muaj tus kab mob *Y. enterocolitica*?**

Npua yog cov tsiaj uas muaj tus kab mob no, tab sis lwm yam tsiaj xws li miv, aub, nees, nyuj, nas thiab luav tej zaum kuj muaj tus kab mob no thiab.

**Tus neeg yuav muaj tus kab mob *Y. enterocolitica* ntev npaum li cas?**

Yog tus neeg tseem muaj cov tsos mob, mas tus kab mob no yuav tso los nrog quav. Yog tsis kho mas tus kab mob no yuav tso los nrog quav ntev txog li 2-3 lub hlis.

**Yuav kho tus mob *Y. enterocolitica* no li cas?**

Yog mob sib khuav xwb no mas tus neeg nws yuav txawj zoo nws, tsis tas siv tshuaj dab tsi los kho. Yog ho raug mob hnyav no mas yuav tsum siv tshuaj tua kab mob los kho mas thiaj yuav zoo taus.

**Yuav tiv thaiv tus mob *Y. enterocolitica* no li cas?**

Tsis txhob noj nqaij npuas nyoos los yog nqaij npuas ua tsis siav, tsis txhob haus tej mis uas tsis tau muab cov kab mob tua, thiab tsis txhob haus tej dej uas tsis tau lim. Yuav tsum ntxuav tev kom huv si thaum kov tsiaj tas.